

Khasetomo ya SARS e swere didirišwa tša go fetogela dikgaseng tše kotsi tše di sego molaong tša boleng bja R21-million

Tshwane, 2 Febereware 2022 – Karolo ya Khasetomo ya Ditirelo tša Motšhelo tša Afrika Borwa (SARS) ba dirile ditiragalo tše tharo tša tshwaro ka Boemafofane bja Ditšhabatšhaba bja OR tša didirišwa tša go fetogela dikgaseng tše kotsi (core catalytic converters) le puere ya go šilwa go tšwa go difetoledi tše kotsi, tša boleng bja R21-million. Puere ya go šilwa ya go tšwa go sefetoledi se kotsi e na le kabelo ya go dira seokobatši se se mpsha.

Yuniti ya dimpša tša didupe ya Khasetomo e swere dithoto tša kimelo ya 2 649kg tše di bego di lebile Dubai, United Kingdom le Jordan.

Difetoledi tše tša kgase le puere yeo e tšwago go difetoledi di be di utilwe ka gare ga meropana ya metale le mekotlana. Lebelela diswantšho tše di tlhomilwego.

Difetoledi ka gare di swere dimetale tše bjale ka palladiumo, rhodiumo, platinamo le gauta. Ka tshepetšo ya hlwekišetšo dimetale tše tše di botse di ka ntšhwa gomme tša dirišwa go bopa dibenyabje, dikarolwana tša difatanaga ga mmogo le dibetša.

Bokagare bja difetoledi tša kgase bjo bo ripago kedišo ya kgase yeo e nago le mpholo bo ka šilaganywa gomme bja dira puere gape e ka dirišwa go dira seokobatši sa mpholo. Se se dirile koketšo ya godimo ya bohodu bja difetoledi tša kgase ka dinageng tše dingwe.

Dithoto di be di laodišitšwe bjale ka *Ceramic Catalyst Sample*. Kgoro ya Ditirelo tša Maphodisa tša Afrika Borwa ya Dinyakišišo tša Bosenyi bja Pele (HAWKS) e ile ya tsebišwa ka ga tshwaro ya tupelelo gomme dithoto di ile tša išwa go bona go dira dinyakišišo tša go tšwetšwapele.

Khomišinare wa SARS Edward Kieswetter o retile baofisiri ba Khasetomo ba yuniti ya dimpša tša didupe bakeng sa go ntšha mahlo dinameng ka go thibela kgwebo ya go se be molaong ya didirišwa tše di ka dirišwago go dira dibetša le diokobatši.

“Dikamogo tša tshwaro ka bohlatse bja maikemišetšo le boikgafo bja baofisiri ba Khasetomo ba SARS go kumula kgwebo yeo e sego molaong ya didirišwa tše kotsi,” Mrn. Kieswetter o tlaleleditše ka go realo.

Go hwetša tshedimošo enngwe, ka kgopelo ikgokaganye le SarsMedia@sars.gov.za

